



有時恣把丹書讀。無事閑尋玉麈歌。我心非石不可動。任從俗論生乖訛。松蘿布褐且自樂。豈戀浮華張綺羅。神爐交媾鍊金液。混乎湛湛而日多。功行圓成共歸去。飄飄飛蓋拂霄河。任從他儘教他莫管他。

### 橐籥歌

休言大道無爲作。須向房中明橐籥。過時不動片時間。紫霧紅光亂灼灼。青龍喜白虎惡赤蛇纏。定烏龜殼縱然過。得尾閭關又被曹溪路。隔著兩條直上繫丹田。決言上有三清閣。閣下分明有玉池。內有長生不死藥。依時下手採將來。服了蓬萊受快樂。

### 靖通庵歌

吾結草庵山之中。旁人笑我名靖通。都來方寸間。田地大包世界同。虛空我庵非通亦非靖。玲瓏八面無形影。盈虛消息任天機。庵內主人都不省。有時風雪三冬天。山前盡日無人烟。頑空墨黑畫如夜。庵中光耀長圓。有時風雷平地起。山沉江湧流雲氣。龍吟虎嘯萬形喧。庵內情緣無止起。環庵松竹連天青。

冬不悴。春不榮。人來謾笑庵居苦。徹骨貧來徹骨清。清貧生理十分好。翻憶朱門多餓殍。君能認得自家珠。終身豈羨他人寶。庵似身弓主似心。欲明庵主須參母。驢胎馬腹河沙夢。那知鐵鑛藏精金。高著眼睛睛速下手。只

本覓取無中有。言窮理絕。妄緣空無毛獅子。擦天吼。庵前大廈皆蓬廬。知音有幾同庵居。若非按斷懸崖手。誰解伊邊認得渠。問中有樂無人識。靜處工夫間裏得。自然妙用自然真。向上神仙皆此出。浮生短景甚悠悠。一切庵壞便須休。傳勸吾門諸學者。不昧此庵須早修。

### 野軒歌

四海鯨魚不足釣。縱使上釣吾不要。三島神仙不足誇。長生不死數如麻。驚人名譽不足恃。萬古英雄一場戲。此富貴不足欣。何如野軒卧。閑雲洞然劫火熾。芥盡此時睡著都不聞。野軒野軒在何處。宇宙茫茫無入路。十千仙子浪中潛。百萬搏鵬地底度。此一軒寶奇特。神不知鬼不測。東徹西南徹。此中心一

寂塵沙國塵沙國。界有微塵一一微塵一真人。二真人一真源。威儀隊伍數亦然。時人若見野軒叟。正眼一觀皆奔走。呵呵呵。千古萬古野軒歌。

### 寄林太守

長生門戶誰不愛。只要自己下功大。九宮臺上黃芽生。白玉池邊蟠桃在。撞動天關鬼神伏。撥轉地軸陰魔敗。河車搬上九重天。日月鍊成金世界。

### 懷鬼谷山思真洞天因詠以贈元規

思真洞兮雲水深。道人居兮鬼神欽。山花笑兮松竹陰。巖溜瀑兮千古音。何時一造兮清神。携攀石蘿兮共笑吟。

三十代天師虛靖真君語錄卷之三